



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Ioannis Cochläei De Actis Et Scriptis Martini Lvtheri Saxonis

Cochlaeus, Johannes

Parisiis, 1565

Acta & scripta Lutheri, Anno Domini M. D. XLIII.

urn:nbn:de:hbz:466:1-29789

dicium? Hæc & id genus multa Pighius.

*Acta & scripta Lutheri,
Anno Domini
M.D.XLIII.*

*Conuentus
Imperialis.*

Mo anno rursus Nurenbergæ, absente adhuc Cæsare in Hispaniis, per Regem Rom. habitus est Cōuentus Imperialis, à mense Ianuario vsque ad Aprilem: Cuius Re-cessus factus ac publicatus fuit die XXII. Aprilis. Adiuncti fuerunt Regiæ Maiestati ad id negocij Tres Commissarij à Cæsarea Maiestate, vt pote Christophorus Episcopus Augustensis, Fridericus Comes Palatinus Rheni, Dux Bauariæ, & Ioannes de Nauis: Quorum primus in illo conuentu Nurenbergæ obdormiuit in Domino. Tractatum est autem & ibi præcipue de ratione belli, aduersus Turcas gerendi, deq; præsidij subsidiisque & contributionibus in tempore constituendis. De causa vero religionis, nihil aliud constitui commode potuit, nisi vt publica pax vtinque seruetur, ne religionis, prætextu vlli inferatur vis, aut iniuria.

Fuit eodem anno indictum à summo Pontifice Generale Concilium ad Ciuitatem Tridentinam, quo Tres misit Cardinales Legatos. Quoniam vero propter bella, quæ inter poten-

*Concilium indi-
ctum & sus-
pensum.*

*Obitus Ec-
Kij & Pig-
hij.*

*Cæsar contra
Ducem Cli-
uensem.*

*Discordia Co-
lonia inter
Clerum &
Episcopum.*

tissimos erant Monarchus, per pauci Episcoporum comparuerunt: reuocatis Romam Legatis, suspensum est ad tempus Concilium illud. Fata insuper eripuerunt Catholicis in Germania Duos Clariss. & Doctiss. viros, D. Eckium, & D. Pighium, fortissimos contra hæreticos Ecclesie fideique Propugnatores. Mortuus autem est vterque intra vnus mensis, & quidem primi, spicium, non sine publico plurimorum luctu & gemitu. Cochleus Tridentum ad Concilium Vratislavia proficiscens, dum Campidunum vsque peruenisset, comperit ibi, solum esse Conuentum indictæ Synodi. Et vidit ibidem Cæsarem Die 15. Iulij, ex Italia cum exercitu eudentem in Germaniam Inferiorem, aduersus Ducem Cliuensem, qui ab eo ad Regem Franciæ defecerat, atque Ducatum Geltiæ occupauerat, ac multa Brabantinis damna, Cæsare absente, intulerat. Quem Cæsar, intra paucos menses victum ac subiugatum, pro innata Clementia sua, rursus in gratiam recepit.

Bucerus autem impia fraude Colonienfis sinuatus Archiepiscopo, Hermanno (qui Natalibus Comes erat à Vueda) grauissimam suscitauit inter illum & Clerum eius discordiam in religione. Induxit enim illum in Lutheri hæresim, reclamante frustra, non solum Reuerendo & Illustri Capitulo Maioris Ecclesie Colonienfis: sed etiam vniuerso Clero totius Ciuitatis, totaque Vniuersitate Colonienfi. Cochleus vero, gratia ac benignitate Reuerendissimi Episcopi

scopi Eysterenlis, nactus Præbendam in Cho-
 ro S. Vuilibaldi, è Campiduno rediit ad Eystet.
 Ibi que nouam adiecit præfationē Quintæ suæ
 Philippicæ, prius æditæ, quam supradicto nun-
 cupauit Archiepiscopo. Vbi inter cætera,
 post recitatam S. Ambrosij ad Imperatorē Va-
 lentinianum II. responsum, ita subiūxit. Sic
 et quoque, Reuerendiss. Princeps ac Domine,
 Lutheranis ac Zuinglianis suggestoribus & cō-
 sultoribus pessimis respondere decuisset. Absit,
 ut ego hæreditatem patrum sanctorum, Seuerini,
 Cuneberti, Brunonis, Hereberti, Peregrini,
 Annonis, & omnium retro fidelium Episcopo-
 rum, antecessorum meorum, qui per tot Colle-
 gia & Monasteria (quæ suo ære & labore fun-
 dauerunt) cultum & laudem Dei, & sanctorum
 eius memoriam ac venerationem, ad auxe-
 rant: tradam in manus tam rapacium lupo-
 rum, ac publice damnatorum hæreticorum,
 qui Ecclesiarum Collegiatarum & Monaste-
 riorum hostes sunt nefandissimi. Quis Præ-
 decessorum meorum vnquam ita fecit? Tali sa-
 ne responso seruare bonam ad Deū conscien-
 tiam, bonam fidem Christo, principi pastorum
 (cuius tibi commissæ sunt ouiculæ) debitam
 erga summum Pontificem & Romanorum Im-
 peratorem, Dominos & superiores tuos, o-
 bedientiam atque fidelitatem: apud Exteras na-
 tiones Christianas laudem: apud Clerum &
 populum Coloniensem (qui tot iam annis vna-
 nimi tecum consensu istas perditionis dam-

*Præfatio ad
 Archiepisco-
 pum Colonien-
 sem.*

natas sectas abominati ac detestati sunt) benevolentiam pristinam: atque præcaueres infinita in plebibus Christi scandala, quæ de hoc facto tuo non sine multorum gemitu passim audiuntur. Et infra.

*Accusatio
sanctorum con-
tra illum Epi-
scopum.*

Quod si à te (inquit) pastore intromissus est lupus ille Bucerus, facile intelligis, quàm grave de tanto facinore rationem redditurus sis: rincipi pastorum in die nouissimo, quando stabit contra te in magna constantia, non solum omnes sancti Prædecessores tui, quorum labores & sanctas fundationes per hos lupos, eorum ouili & populo fideli auferre & abolere conaris, si non primo quoque tempore eos amoueris atque expuleris: Verum etiam numerosa sanctorum Martyrum agmina, quorum sacræ Reliquiæ, in magna per tot sæcula veneratione Colonia ab omnibus habitæ fuerunt, habenturque adhuc hodie) in te coram Iudice consurgent. Neque surdas interrim præbebit Deus aures gemitibus, lacrymisque & suspiriis tot sacrarum virginum, sacerdotumque & Monachorum, intra muros sanctæ ciuitatis Coloniae Deo seruientium, quos per lupos istos tam immaniter conturbas & discrucias. Hæc ibi Cochlæus.

*Contra Bul-
lingerum de
autoritate
Ecclesiæ.*

Qui & in Henricum Bullingerum, Zuingliorum apud Tigurinos Antesignanum, edidit eodem anno Ingolstadij libellum, inscriptum De Canonice scripturæ, & Catholice Ecclesiæ autoritate: In cuius præfatione sic ait.

Quid

Quid si solos repræhenderes abusus, qui Præ-
latorum negligentia (vergente in senium mun-
do) irrepsit, vitamque duntaxat scandalo-
sam & prauos mores plurimorum ex Clero,
qui suo non recte in Ecclesia funguntur offi-
cio, palam argueres, aut quantumuis acriter
inlectareres: non solum tacitus comproba-
rem, verum etiam publice collaudare non vere-
rer. Quoniam vero præcipua totius religio-
nis nostræ capita (quibus labefactatis aut sub-
uersis, cunctarum periclitaretur salus anima-
rum) impetis, hostiliterque oppugnas: non
licet mihi (stimulante ad debitum officium
conscientia) ad omnia tacere aut desidiose
dissimulare, quamuis ignorem, quæ tua sit
conditio, qui status, quæ functio &c. De
animarum quoque Purgatorio igne libellum
adidit, contra duos sermones Andræ O-
standri. Cæterum Clerus secundarius ciuitatis
Colonienſis, aduersus Buceri librum re-
cens æditum, egregium matura deliberatio-
ne scripsit ac euulgauit iudicium. In quo do-
ctissime deteguntur atque confutantur Bu-
ceri complicumque eius errores ac impia dog-
mata Latine, quod in Germanicum quoque
translatum est.